


大乘百福莊嚴相經
大乘四法經
菩薩修行四法經
希有校量功德經

籍

百六十
傷八

48386




元祿九年丙子二月日重脩

皇圖肇固 帝階綴昌

佛日增輝 慧輪常轉

山城州天安寺法金剛院置



四經同卷五

大乘百福莊嚴相經

大乘四法經

菩薩修行四法經

希有校量功德經

大乘百福莊嚴相經

大唐三藏地婆訶羅等

奉詔譯

如是我聞一時婆伽婆在舍衛大城普妙宮

殿為欲化導無量眾生坐寶莊嚴師子之座

與大比丘等千二百五十人俱菩薩摩訶薩

無央數眾皆共恭敬周匝圍遶瞻仰卅尊身

心不動時彼眾中有大菩薩名文殊師利承

傷

佛威神從座而起偏袒右肩右膝著地合掌
向佛而作是言世尊我聞如來有大福聚大
福聚者其量云何唯願世尊爲我解說利益
無量百千衆生令其意樂咸得滿足

尔時世尊告文殊師利言善男子汝已超過
一切聲聞及辟支佛能以智慧大悲之心爲
諸衆生請問如來如是之義諦聽諦聽善思
念之吾當爲汝分別解說

文殊師利如一閻浮提所有衆生十善福聚
如是福聚校計籌量數滿百倍成一轉輪聖
王王四天下自在福聚七寶成就千子具足
何謂七寶一者金輪寶二者白象寶三者紺

馬寶四者神珠寶五者玉女寶六者主藏寶
七者主兵寶彼之千子各各威猛端正勇健
能破怨敵文殊師利如是名爲轉輪聖王所
有福聚

文殊師利如是轉輪聖王及四天下一切衆
生所有福聚如是福聚校計籌量復滿百倍

成一忉利天王帝釋福聚

文殊師利如是忉利天王及四天下一切衆
生所有福聚如是福聚校計籌量復滿百倍
成一欲界最第六天教授護持魔王福聚文
殊師利如是第六自在天魔及四天下一切
衆生所有福聚如是福聚校計籌量滿百千

倍成一慈心照察小千世界初禪梵王所有
福聚文殊師利如是慈心照察小千世界初
禪梵王及彼世界一切衆生所有福聚如是
福聚校計籌量復百千倍成一中千世界二
禪梵王所有福聚

文殊師利如是中千世界二禪梵王及彼世
界一切衆生所有福聚如是福聚校計籌量
復百千倍成一大千世界慈心照察第四禪
內摩醯首羅所有福聚

文殊師利是大千主摩醯首羅非少善根之
所成就何以故摩醯首羅有大智慧大威神
故如器世間灾火焚已將更成立於第四禪

天降大雨經五中劫不斷不絕其水遍彼大千世界上至梵世無缺無減如是雨滴彼大千主摩醯首羅悉能得知

文殊師利如是摩醯首羅所有福聚如是福聚名爲梵福

文殊師利如是三千大千世界主摩醯首羅及彼世界一切衆生所有福聚如是福聚校計籌量無量無邊億百千倍成一獨出大辟支佛所有福聚

文殊師利且置如是一大千界假使十方諸佛世界一切衆生及辟支佛所有福聚如是福聚校計籌量至於無量億百千倍成一最

後生身菩薩福聚

文殊師利如是寂後生身菩薩福聚及彼十方盡虛空際所有世界一切衆生若卵生若胎生若濕生若化生若有色若無色若有想若無想若非有想非無想彼諸衆生所有福聚如是福聚校計籌量至於無量億百千倍

成彼如來身一毛孔所有福聚文殊師利如是如來身諸毛孔其數乃有九万九千如是毛孔一一皆具如上所說無量福聚

文殊師利如是如來一切毛孔所有福聚如是福聚校計籌量復至無量億百千倍成如來身隨好之中一好福聚

又殊師利如是如來身諸隨好略說其數有八十種何謂八十一者首分圓滿二者髮際嚴好三者髮色青紺四者髮香芬馥五者髮甚柔軟六者髮不紛亂七者髮不稀穢八者髮常增長九者髮本波委十者髮端螺旋十一者髮狀花輪十二者髮如德字十三者面部平正十四者毫分充足十五者眉色青紺十六者眉不雜亂十七者兩目美好十八者兩目脩廣十九者兩目清淨二十者兩目明朗二十一者目色紺艷如青蓮華二十二者耳甚長好二十三者耳無缺減二十四者耳無過惡二十五者鼻脩高直二十六者兩頰滿

足二十七者頰無缺減二十八者頰無過惡
二十九者牙甚圓正三十者其牙均等三十
一者脣色赤好如頰婆果三十二者舌赤柔
軟三十三者聲如雷振三十四者其音朗徹
三十五者身普滿足三十六者身肉豐好三
十七者身肉平正三十八者身肉柔軟三十
九者身漸臍直四十者身分相稱四十一者
身極圓好四十二者身無缺減四十三者其
身柔軟四十四者其身清淨四十五者其身
輕妙四十六者身不動搖四十七者身極嚴
好四十八者身無疵穢四十九者身光破闇
五十者其腹美好五十一者其腹圓滿五十

二者其腹不現五十三者其齋深密五十四者其齋不曲五十五者齋稱其位五十六者腋下平滿五十七者臂肘纖長五十八者手指圓滿五十九者手指纖美六十者手文深好六十一者手文逕徹六十二者手文不亂六十三者手文潤澤六十四者文無麓細六十五者文端纖銳六十六者膝輪圓廣六十七者足跟臍滿六十八者足善按地六十九者行順於右七十者行如象王七十一者行如牛王七十二者行如鵝王七十三者行步威猛如師子王七十四者手足甲端微悉高起七十五者手足等甲如赤銅色七十六者

手足等甲並皆潤澤七十七者筋脉不現七十八者支節密緻七十九者諸根無滌八十者見者歡喜文殊師利如向所說此八十種是名如來隨好福聚

文殊師利如是如來八十隨好所有福聚如是福聚校計籌量復滿無量億百千倍成如來身手足等中隨相之文一文福聚文殊師利如是如來手足等中隨相之文有八十種何謂八十一者梵王像二者天帝像三者提頭賴吒像四者毗樓勒义像五者毗樓博义像六者毗沙門像七者功德天女像八者日天子像九者月天子像十者水天像十一者

火天像十二者風天像十三者雲天像十四者大仙像十五者山王像十六者童男像十七者童女像十八者寶幢像十九者傘蓋像二十者寶冠像二十一者花鬘像二十二者珠璣像二十三者耳璫像二十四者臂印像二十五者寶釧像二十六者指環像二十七者寶鏡像二十八者白拂像二十九者德字像三十者花瓶像三十一者摩尼像三十二者寶劍像三十三者金剛杵像三十四者弓弧像三十五者箭矢像三十六者戈戟像三十七者矛稍像三十八者鉞斧像三十九者鬚索像四十者長鉤像四十一者轆刃像四

十二者金鉅像四十三者天捧像四十四者
天鼓像四十五者天螺像四十六者罍鼓像
四十七者花輪像四十八者宮殿像四十九
者寶座像五十者浴池像五十一者蓮花像
五十二者粉米像五十三者麩麥像五十四
者藥草像五十五者靈茅像五十六者花樹
像五十七者果樹像五十八者金翅鳥像五
十九者迦陵頻伽像六十者共命鳥像六十
一者孔雀像六十二者鳩鴿像六十三者鴈
三像六十四者青雀像六十五者鸚鵡像六
十六者翠鳥像六十七者輪中師子像六十
八者雪山白象像六十九者龍王像七十者

象王像七十一者。馬王像七十二者。鹿王像七十三者。牛王像七十四者。野牛像七十五者。犛牛像七十六者。羖羊像七十七者。大鼈像七十八者。大龜像七十九者。魚王像八十者。螺王像文殊師利如是。所說此八十種。是名如來隨相福聚。

文殊師利如是。如來八十隨相。所有福聚如是。是福聚校計籌量。復滿無量億百千倍。成如來身三十二種大人相中一相。福聚文殊師利如是。如來大人之相。其數乃有三十二種。何謂三十二種大人之相。一者頂有肉髻圓好。高勝二者。髮紺青色。其毛右旋。三者其額

廣大平正嚴好四者眉間毫相白逾珂雪五
者目睫青緻猶如牛王六者口四十齒無有
增減七者其齒齊密無有踈缺八者其齒白
淨無有垢黑九者口有四牙其色鮮潔十者
頷頰圓滿如師子王十一者其舌柔薄廣大
紅赤十二者於諸味中而得上味十三者其
語雷震得梵音聲十四者缺骨不現其處平
滿十五者兩肩圓正無有缺減十六者垂伸
兩臂手摩其膝十七者其身上分如師子王
十八者身所有毛皆悉上靡十九者身相圓
滿如尼拘陀樹二十者其身高妙滿足七肘
二十一者身體皮膚皆作金色二十二者一

一毛孔有一毛生二十三
者勢峯藏匿隱密
不現二十四者兩髀圓正其肉滿足二十五
者躄相嚴好如伊尼鹿王二十六者兩足豐
滿無有缺減二十七者兩足掌下皆悉平滿
二十八者足膚骨肉皆悉隆起二十九者兩
手兩足皆悉柔軟三十者兩手兩足皆有網
縵三十一者兩手兩足皆悉纖長三十二者
而手兩足皆有輪相文殊師利如是所說三
十二種大人之相是名如來正相福聚
文殊師利如是如來三十二種大人福聚如
是福聚校計籌量復滿無量阿僧祇倍不可
量倍不思議倍始成如來大法圓螺隨類教

化一切衆生音聲福聚

文殊師利如是如來大法圓螺能隨彼彼無
量無邊阿僧祇等無量世界一切衆生所有
意樂如其意樂能悉遍滿隨其類音說法教
化利益安樂如是衆生

文殊師利如彼如來所有音聲能有如是無
量勢力如來威光亦復如是等彼音聲能有
如是無量勢力

文殊師利如彼如來所有威光能有如是無
量勢力如來之身亦復如是等彼威光能有
如是無量勢力

文殊師利如上所說如是福聚不可思議不

可筭數非諸聲聞辟支佛等之所能得何以故如是福聚從大智慧及大慈悲普遍一切無量上願力所生起故是故聲聞辟支等所不能得

文殊師利如來如是妙色之身悉是一切最勝清淨施戒修等及二因緣之所成立何等為二一者如來最勝願力二者如來化導善巧何謂如來化導善巧謂諸衆生未種善根今種善根已種善根令彼成熟已成熟者令得解脫由是二種因緣力故是故獲得妙色之身文殊師利如是如來妙色之身由二因緣之所成就如來音聲亦復如是以二因緣

所成就如來說法亦復如是以二因緣而得
成就文殊師利如是如來所有說法以二因

緣之所成就如來之行亦復如是以二因緣
而得成就

文殊師利如來如是為欲哀愍諸衆生故出
現於世為欲利益諸衆生故出現於世為欲
安樂諸衆生故出現於世以諸衆生若干種
性願樂差別各各不同是故如來隨其意樂

為現種種相好之身說法教化今彼調伏
佛法中使得成就

尔時文殊師利菩薩摩訶薩聞佛所說如二
福聚利益一切諸天世人便作是言世尊我
於今者得大善利我於今者得大最勝我於
今者得無等等我於今者得大吉祥我思如
來於世間中為諸衆生作大依止清淨不動猶
如虛空難遇難遭我今得見佛說是經已彼諸
比丘及諸菩薩摩訶薩等歡喜合掌信受奉行

大乘百福莊嚴相經

傷

大乘四法經

唐三藏法師地婆訶羅奉詔譯

如是我聞一時薄伽梵在室羅筏住誓多林
給孤獨園與大苾芻衆千二百五十人俱復
有無量菩薩摩訶薩衆

尔時世尊告諸苾芻有四種法菩薩摩訶薩
盡其壽量常應修行乃至雖遇喪命因緣亦
不得捨何者爲四諸苾芻菩薩盡壽乃至逢
遇喪命因緣必定不得捨善提心諸苾芻菩
薩盡壽乃至逢遇喪命因緣必定不得捨善
知識諸苾芻菩薩盡壽乃至逢遇喪命因緣
不得棄捨堪忍愛樂諸苾芻菩薩盡壽乃至

逢遇喪命因緣必定不得捨阿練若諸苾芻
如是四法菩薩盡壽常應堅持寧喪身命而
不棄捨尔時世尊重演其義說伽他曰
世間明慧者 應發菩提心 常思一切智
恒近善知識 任堪忍愛樂 依止阿練若
猶如師子王 遠離諸驚怖
諸明慧者修行此法速能超出衆魔羅網疾
證無上正等菩提時薄伽梵說此經已諸苾
芻等歡喜奉行

大乘四法經

佛說菩薩修行四法經

唐三藏法師地婆訶羅譯

如是我聞一時佛在舍衛國祇樹給孤獨園
與大比丘衆千二百五十人俱尔時世尊告
諸比丘汝等已得無量善利當求無上佛大
菩提何以故佛菩提者世出世間無等等故
若未來世諸衆生等發意欲求佛菩提者當
修四法何等爲四一者當發大菩提心寧失
身命不應退轉二者應當親近善友寧失身
命不應遠離三者應忍辱柔和寧失身命不
生嗔恚四者當依寂靜之處寧失身命不思
憤鬧諸善男子如是四法菩薩摩訶薩應當

修學亦時世尊即說偈言

諸欲求勝果

當發菩提心

策勤精進行

須依善知識

忍辱佛所讚

稱為有力人

空閑聖所居

無畏猶師子

亦時世尊說此偈已復作是言諸有智慧大

慈悲者能修如上四種之法其人則能解脫

生死出離魔網成等正覺得大涅槃亦時世

尊說此經已彼諸比丘及諸菩薩聞佛所說

皆大歡喜信受奉行作禮而去

菩薩修行四法經

希有校量功德經

隋三藏法師闍那崛多譯

如是我聞一時佛在舍衛國祇樹給孤獨國
尔時長老阿難比丘在蘭若處獨坐思惟作
如是念諸善男子及善女人若能受持三歸
依處作如是言我今歸依佛歸依法歸依僧
得幾所功德生是念已長老阿難日初出時
於其住處即從座起齊整衣裳安庠而出往
諸佛所到佛所已頂禮佛足偏袒右有右膝
著地合掌向佛而作是言世尊我於向者在
空閑處如是思惟若善男子及善女人能如
是言我今歸依佛歸依法歸依僧得幾所功

德我實未解惟願如來分別演說令諸衆生
得正知見

尔時世尊告阿難言善哉善哉汝善男子真
實智慧微妙思量能問如來如斯之義如汝
思量彼善男子及善女人若能清淨發如是
心我今歸依佛歸依法歸依僧得幾所功德
者諦聽諦聽善思念之吾當爲汝分別解說
阿難白佛唯然世尊願樂欲聞

尔時世尊告阿難言此閻浮提地縱廣七千
由旬形如車箱南陔北廣假使滿中須陀洹
人譬如竹葦甘蔗稻麻如是一切須陀洹人
其有善男子善女人滿一百年持於世間一

切所有娛樂之具盡給施與復以四事具足
供養恭敬禮拜乃至滅度之後收其舍利起
七寶塔一一塔廟皆以香華酥油燈燭作倡
伎樂繒綵幡蓋種種供養於汝意云何彼善
男子善女人得福多不阿難白佛甚多世尊
佛言阿難不如是善男子善女人以淳淨心
作如是言我今歸依佛歸依法歸依僧所得
功德於彼福德百分不及一千分不及一百
千萬分不及一乃至筭數譬喻所不能及
尔時世尊復告阿難且置閻浮提假使西瞿
陀尼縱廣八千由旬其地形狀猶如半月皆
悉滿中斯陀舍人譬如竹筴甘蔗稻麻若有

善男子善女人滿二百年復以世間種種四
事供養如前乃至滅度之後收其舍利起七
寶塔一一寶塔亦以華香燈燭伎樂繒蓋幢
幡種種供養於汝意云何彼善男子善女人
得福多不阿難白佛甚多世尊佛言阿難不
如是善男子善女人以淳淨心作如是言我
今歸依佛歸依法歸依僧所得功德於彼福
德百分不及一千分不及一億分不及一百
千億分不及一乃至筭數譬喻所不能及
尔時世尊復告阿難且置一閻浮提一瞿陀
尼假使東弗婆提縱廣九千由旬其地形狀
猶如滿月皆悉滿中阿那含人譬如竹筭甘

蔗稻麻若有善男子善女人滿三百年復以
四事一切樂具供養如前乃至滅度之後收
其舍利起七寶塔一一寶塔皆以華香伎樂
幡蓋種種供養於意云何彼善男子善女人
得福多不阿難白佛甚多世尊佛言阿難不
如是善男子善女人以淳淨心作如是言我
今歸依佛歸依法歸依僧所得功德於彼積
德百分不及一千分不及一百千分不及一
億分不及一百億分不及一百千億分不及
一乃至筭數譬喻所不能及
尔時世尊復告阿難且置一閻浮提一瞿陀
左一弗婆提假使北方鬱單羅越縱廣十二

由旬其地形狀四方端直周而齊整滿中呵
羅漢諸漏已盡無復煩惱心得自在具正解
脫正智得解脫其心調伏人中大神所作已
辦捨棄重擔建得自利不受後有梵行已立
身心無礙達衆生意得六神通具八解脫譬
如竹筲甘蔗稻麻若有善男子善女人滿四
百年復以四事供養恭敬一切樂具給足
前乃至滅度之後起七寶塔一一寶塔皆以
華香伎樂燈燭繒蓋幢幡種種供養於意云
何彼善男子善女人得福多不阿難白佛甚
多世尊佛言阿難不如是善男子善女人以
溥淨心作如是言我今歸依佛歸依法歸依

僧所得功德於前福德百分不及一千分不
及一百千分不及一百千億分不及一乃至
算數譬喻所不能及

尔時世尊復告阿難 且置閻浮提瞿陀尼弗
婆提鬱單羅越假使徧四天下滿中辟支佛
獨覺譬如竹葦甘蔗稻麻若有善男子善女
人滿十二年復以四事供養恭敬一切樂具
給足如前乃至滅度之後收其舍利起七寶
塔一一寶塔皆以華香伎樂燈燭繒蓋幢幡
種種供養於意云何彼善男子善女人得福
多不阿難白佛甚多世尊佛言阿難不如是
善男子善女人以淳淨心作如是 我今歸

依佛歸依法歸依僧所得功德亦前福德百分不及一千分不及一百千分不及一百千億分不及一乃至算數譬喻所不能及

尔時世尊復告阿難且置一四天下一日月光所照之處設復一千世界所謂一千日月一千四大海水一千須弥山王一千閻浮提一千瞿陀尼一千弗婆提一千鬱單羅越一千四天王天一千三十三天一千夜摩天一千珊兜率陀天一千化自樂天一千他化自在天一千梵天不相繫屬各於千世界中得大自在阿難是名一小千世界阿難從一小千世界一一數之滿一千已是名中千世界

阿難從中千世界復一一數還滿一千是名
大千世界阿難如是合數揔名三千大千世
界假使滿三千大千世界中諸佛如來譬如
竹筴甘蔗稻麻彼等諸佛世尊至真等正覺
若有善男子善女人二萬歲中常以一切娛
樂之具衣服飲食牀卧湯藥種種奉施乃至
滅度之後收其舍利起七寶塔一一寶塔皆
以華香伎樂繒蓋幢幡香燭油燈如是供養
於意云何彼善男子及善女人得福多不阿
難白佛甚多世尊佛告阿難若復有人直能
供養一佛世尊供滿二萬歲四事具足供養恭
敬乃至滅度收其舍利起七寶塔一一寶塔

皆以華香伎樂幡蓋香油燈燭一切奉施其
福尚多無量無邊不可稱數何況滿三千大
千世界諸佛如來二萬歲中常以四事供養
供給乃至滅度收其舍利起七寶塔一一寶
塔各以華香伎樂幡蓋及香油燈種種所須
受皆供養實得無量無邊不可算不可數
德之聚佛言阿難猶不如是善男子善女人
以淳淨心作如是言我今歸依佛歸依法歸
依僧所得功德勝前福德百倍千倍萬倍不
可算數言辭譬類所能知及
尔時世尊復告阿難若有人能歸依佛竟歸
依法竟歸依僧竟乃至一彈指頃能受十善

受已修行以是因緣得無量無邊功德阿難
若復有人能一日一夜受八戒齋已如說修
行所得功德勝前福德千倍万倍百千万倍
乃至筭數譬喻所不能及阿難若能受持五
戒盡其形壽如說修行所得功德勝前福德
百倍千倍万倍千億万倍非筭數譬喻所能
知及阿難若復有人受沙彌戒沙彌尼戒復
勝於前百倍千倍万倍千億万倍非筭數譬
喻所能知及阿難若復有人能受持式叉摩
那戒又復所得功德勝前福德百倍千倍百
千万倍乃至筭數譬喻所不能及何況受持
比丘尼戒依波羅提木叉如說修行況復有

人盡形受持大比丘戒依波羅提木义戒如
說修行不缺不犯無有穢濁清淨梵行得無
量無邊功德勝前百倍千倍万倍百千万倍
乃至筭數譬喻所不能及

尔時長老阿難聞佛說此三歸依處乃至盡
壽護大比丘波羅提木义功德無量歎未曾
有白佛言甚竒世尊是經微妙不可思議明
甚深義功德廣大難可格量當何名此經我
等云何奉持佛告阿難此經名爲希有希有
經汝當奉持所以者何是經中說希有之法
所演勝法一切世間難聞故名希有佛說是
經已長老阿難聞佛所說歡喜奉行

希有校量功德經

大乘百福莊嚴相經

傷

摩醯下呼反 帝音滴 芬馥下音伏 稀音希 穰音直 緻音直 直音直 利音直 反音直

稠也又古利反 疵穢斯疾反 銳俞歲反 緻密也 直利也 反密也

弓弧下音胡 輻尺容反 正作 麤上音牟 大音牟 大音牟

也音字 犛音字 殺音字 鰲二同 吾吾 匿反 髀反 蒲米

大乘四法經 筏音伐

大乘修行四法經

憤鬧上俱對反 心煩亂也

希有校量功德經

箱音相 陘古狹字 倡伎上音昌 繒疾凌反

